

29. ԱՎԾԻ ԱՀՄԱՏԻ ՀԵՔԻԱԹ

Վախտի մեկին մեկ մարդ է էղնում, անունը Ահմատ էս մարգը ավճութունով է ման գալում:

Մեկ օր առնում է իր թվանքն ու էրթում է ավուղուշ: Էրթում տեսնում է, որ մեկ քարի տակ, մեկ գեշ խուլլեկ սև օձ փաթթվել է մեկ անլման սիրուն ալաշա օձիմ: Էս բանը որ Ավճի Ահմատը տեսնում է՝ սիրտը դաբուլ չի անում, ասում է. «Ես էսքան տարի ավճութեն հմ անում, էսենց բան չեմ տեսած, էս գարշելի սև օձը փաթթվի էս սիրուն օձի՞ն, իմ սիրտը դաբուլ չի անում: Ես էսոր պիտի սպանենեմ», ասում ու նշան է բռնում, քցում: Մոնց է էղնում սև օձին չի գիպնում, էն սիրուն օձին է դիպնում, սատկեցնում: Սև օձը փախնում մտնում է քարի տակ:

— Վա՛յ, հս էս ինչ բան էր արի, հս իսկի յանլիշ բան չէի արած, էս ինչիս էղավ, հս էլ չհասկցա: Էլ ըստից հետև հարամ էղնի ընձի ավճութենը, էլ պտի շանեմ:

Ձեռներն ու ծնկները թուլանում է, փռո ու փռման թողնում դառնում է տուն:

Դու մի ասի, էդ սիրուն օձը, օձերի թագավորի կնիկն է: Էս բանը հիմանում է օձի թագավորը, կանչում է օձերին, ասում.— Էրկո օձ գնացեք մտեք Ավճի Ահմատի տուն, գիշեր էնոր կրրնկից էնենց խածեք, որ աղուն էնոր գլխից դուրս տա, թե որ չկրցաք ձերը բռն է:

էրկու օձ հ'ելնում գալում են Ավճի Ահմատի էրթկին, թաքնը-
վում են ինչուի որ մուրը կոխե, Ավճի Ահմատը պառկի քնի:

Իրկուն թոփ են էղնում Ահմատի յարաններ, ահպապներ, դըր-
կիցներ, որ քիչ յարանութեն անեն: Գալում աշում են, որ ավճի Ահ-
մատ ըսկի քեֆ շունի, ասում են.— Յա', Ավճի Ահմատ, դու ամեն
օր քեֆով էիր, էսօր յաղո՞ւզ ես էտենց նիաթ միաթդ վրա բերել,
լըլնի քեֆ շունիս:

— Չէ', ես հիվանդ չեմ, ամա, ի՞նչ ասեմ, վալլա, հիվանդից
բեթար եմ: էսօր ընձի էնենց մի ղազիա է ձեռ տվել, որ հեշ չեմ կըր-
նա մոռնա:

Օձերը էդ վախտ գալում են էրթկեն հ'անկաշ են դնում Ավճի
Ահմատի խոսքերին:

Ավճի Ահմատն ասում է.— Ես էսօր գվա թե ավղուշ գնացի,
գնացի մեկ զուլումի ռաստ էկա: Աշեցի, որ մեկ քարի տակ, մեկ
մունտառ սև օձ փաթթվեր է մեկ սիրուն խըտուտիկ օձի, որ մարդ
աշում է, մարդու խելքն է էրթում: էնենց ընձի չաթին էկավ, որ տե-
սա, սիրտս ղաբուլ չէրավ, ըսի վալլահա էս սև օձին ես պտի սպան-
նեմ, ինչ գալում է գա: Նշան առա քցեցի, վա'յ ձեռներ, դուք կո-
տըրվեք, իմ թվանքս իր տեղը չդիպնի, սև օձին դիպնելու տեղ, դի-
պավ էն սիրուն օձին, սպանեց: Սևը փախավ, մտավ քարի տակ: Ես
էլ թորբա եմ արել, որ ձեռքս էլ թվանք չ'պտի առնեմ՝ քանի սաղ
եմ: էս է, աղբեր, իմ քեֆ շունենալու պատճառը:

Օձերը լավ լսում են Ավճի Ահմատի խոսքերը ու ըտտեղից հայ-
տե թողնում էրթում են թագավորի մոտ: Թոմար լսածներ պատմում
են թագավորին:

էս հեղին օձի թագավոր էրկու բաղշա օձ է ճամբում Ավճի Ահ-
մատի հետևից, որ էրթան առնին գան:

Օձերը գալում Ահմատին ասում են.— Մեր թագավորը քեզի
էվատի կանչում է:

Ավճի Ահմատը հ'ելնում, օձերի հ'ետև ընկնում, էրթում է: Օձե-
րը ճամբուն ասում են Ավճի Ահմատին թե.— Մեր թագավորը քեզի
պիտի խալըթե, ամա դու բաղշա բան չ'ուզես, մենակ կըսես թե.
«Թագավոր քու լեզուն քաշե իմ բերան», դու էն վախտ հ'իմաստուն
կէղնիս:

էս խոսքերը սորվեցուցին Ավճի Ահմատին:

Որ էրթում հասնում են թագավորի մոտ, թագավորը ասում է
Ավճի Ահմատին.— Դու յաղո՞ւզ իմ թագուհուն սպանեցիր:

էն էլ մեկ-մեկ ասում է թագավորին իր տեսածը:

Թագավոր հարցնում է, թե.— Դու որ էն օձին տեսնես կը ճանշընա՞ս:

— Թագավորը սաղ էղնի, յաղո՞ւզ չեմ ճանշնա, որ տեսնիմ կը ճանշնամ:

Թագավոր ձեն է տալում. ինչքան որ օձեր կան թոփ են էղնում, գալում են Ավճի Ահմատի հառչեհեն անցնում են: Թագավոր թեզ, թեզ հարցնում է.— Ըստոնց մեշ չկա՞:

— Զէ,— կըսե Ահմատը,— ըստոնց մեշ հեշ մեկն էլ չէ, էն օձը ըստի չ'կա:

Թագավոր կըսե.— Աշեք ուրիշ տեղ օձ մնացեր է:

Օձեր ասում են թե.— Հեշ մի տեղ օձ չէ մնացեր, մինակ ֆլան պառվի տղեն մնացեր է քարի տակ:

Էրթում էնոր էլ բերում են: Պառվի տղան որ գալում է թե չէ, փախնում մտնում է օձերի տալգեն, որ Ավճի Ահմատը շտեսնի: Ավճի Ահմատ տեսնում է թե չէ՝ ասում է.— Թագավոր ապրած կենա, էս օձն էր:

Թագավորի հրամանով էնենց թիքա թիքա արեցին, որ կտորներ չէրեաց: Թագավոր ղառավ Ավճի Ահմատին ըսավ.

— Հ'ուզե, քու խալաթը տամ:

— Քու սաղութունդ եմ հ'ուզում, ուրիշ բան չէ:

— Զէ,— կըսե թագավոր,— հ'ուզե, ինչ որ մտքեդ անցնի կուտամ կը:

— Ուրիշ բան չեմ հ'ուզում, թագավոր, մինակ քու լեզուն քաշե իմ բերան, էլ ուրիշ բան չեմ հ'ուզում:

— Հա՛յ, քու սորվեցնողի վիզը կտտրի, որ քեղի սորվեցուց: Կուտամ, հմա հում կաթնակերին բաղդ չ'կա, դու սոնդ, համ քու գլուխ, համ էլ իմս տուրը կ'տաս:

Օձի թագավոր իր լեզուն քաշեց Ավճի Ահմատի բերան: Ավճի Ահմատ շնորհակալ էղավ ու դուրս հ'ելավ, որ էրթա իր տուն: Թագավոր թամբիհ արեց ու ըսավ.— Դու, էլ քու ջանդ մարդու շանց չես տա, քու սըռդ քու կնկան բիլա չես ասեր:

Օձի թագավորը թամբիհ տվեց ու Ավճի Ահմատ գնաց:

Դուրս հ'ելավ Ավճի Ահմատ տեսավ, որ քարեր խոսում են, դշեր, խոտեր, գազաններ, թոմրի լեզուն հասկնում է, էնենց մե հ'իմացտութեն է էկե իր վրեն:

Գալում հասնում է իրանց գեղի մոտ, աշում է, որ շները խոսում են թե.— էս գիշեր գեղ կընկնի օլխրի սուրուի մեշ, կուշտ միս կուտենք:

էրկու պզտիկ զաղար էլ կըսեն.— Մենք շոպնին հիմաց կտանք:
Ավճի Ահմատ էս խոսքեր որ լսում է, էրթում օշխրի տիրոջ
զարթեցնում է, ասում է թե.— Հ'ելեք, էս գիշեր գել ձեր օշխրներ
պտի խեղդե:

Օշխրի տերը ծիծաղում է Ավճի Ահմատի վրեն ու ասում է.— Դու
հիմաստուն ես, ի՞նչ գիտես որ ասում ես: Թե որ օղորդ էղավ, քեզի
էրկու հատ շաղ օշխար բերելը մեր պարտքը էղնի:

— Լավ,— կըսե Ավճի Ահմատ,— Գացեք, ձեր օշխարը բերեք
դեղի մոտիկ, էն էրկու պզտիկ զաղարն էլ տարեք ձեր մոտ, գիլան
որ էկան, զաղարներ ձեզի հիմաց կուտան:

Գիշեր հլա կես շէր էղած, բիրդան զաղարներ կոխեցուցին,
մարդիկ հիլան աշեցին, որ դրուատ, գիլան հասրեհաս են սուրուիս:
Հ'ետեեն հ'ընկան փախցրին:

Սաբախտան էրկու շաղ օշխար սուրուի միշից շոկեցին, բերին
տվին Ավճի Ահմատին ու ասին.— Ախպեր, դու հիմաստուն մարդ
ես, էս օշխարները քեզի հալալ էղնի:

Ավճի Ահմատ ինքն էլ հ'ելնում էրթում է սուրուի մեշ, տեսնում
է, որ էդ սաղ սուրուի մեշ մեկ գեշ թոխլի կա, որ ասում է.— Ես
հազար գլուխ օշխրի ղոշ պտի էղնիմ:

Ավճի Ահմատը բերում օշխարներ հետ է տալում, էն մեկ թոխ-
լին բռնում բերում է, ասում է.— էս մեկ թոխլին ընծի հերիք է:

Գեղացիք բաշլայեցին խնդալ Ավճի Ահմատի վրա, թե.— Հլա,
էստոր խելքին աշեք, էն շաղ օշխարներ թողեց՝ էս մունտառ թոխ-
լուն հավնավ:

էս բանից հետե Ավճի Ահմատ էնքան հարստացավ, հազար
գլուխ օշխար դրստեց: Սաղ աշխարք զարմանում է Ահմատի վրեն,
թե բիրդան էսքան հարստութեն հ'ո՞ւրտից ձեռք բերեց:

Օր մի դրկցներու կնկտիք թոփ էին էղած Ավճի Ահմատի կնկա
մոտ, խոսում էին: Հարցուցին Ավճի Ահմատի կնկան թե.— Դու քու
մարդու սըռը չես հիմանում, էդ հ'ո՞ւրտից բիրդան էդնեց հա-
րստեցաք:

Ավճի Ահմատի կնիկը կըսե.— Ես բանե բեխաբար եմ, չիտեմ:

— Քու մարդն որ գիշեր քնում է իրա շորեր հանո՞ւմ է, թե չէ,—
հարցնում է դրկցի մեկը:

— Չէ',— իմ մարդ էս քանի վախտ է, գիշերներ իր շորեր չի
հանում:

— Թե որ էդնեց է, գնա քու մարդուն հարցու թե՝ քու սըռը ի՞նչ
է, էնի քեզի կըսե:

Գալուամ, Ավճի Ահմատի կնիկ մարդու մոտ նիաթներ կախում նստում է։ Մարդը հարցնում է.— Կնիկ, յաղո՞ւզ ես քու նիաթ-միաթդ կախել, ի՞նչ է էղել։

— 'Ի՞նչ է էղել, էլ ի՞նչ պտի էղնի։ Դու մո՞նց մարդ ես, որ քու սրսը քու կնկան շես ասում։ Դու էս քանի վախտ է յաղո՞ւզ գի-շերներ քու ջորեր շես հանում պառկում, հալբաթ էդոր մեջ բա-նում կա։

— Ա՛յ կնիկ, դու յաղո՞ւզ ես հ'ուզում իմ սըռը իմանալ, ես իմ սըռը որ քեզի ասեմ, ես կը մեռնիմ։

— Զէ, չի էղնի, որ չի էղնի, դու պտի քու սըռդ ընծի ասես, շես ասեր, ես քեզի կնիկ էղնող շեմ։

— Թե որ էդենց է, մարդ դրկե թող իմ տեղը փորե, ջուր ու սապոն բեր հաղրե, ինչունի որ ես էրթամ օշխրին հանդիպիմ գամ։

Կնիկը մարդ է ճամբում, տեղը փորում հազրում է, ջուրը բե-րում տաքցնում է, սապոն է բերում հազր է անում, բաքլայում է, որ մարդը գա։

Ավճի Ահմատ դնաց օշխրին տեսնելու։ Ղոչխատուի վախտն էր։ Գնաց տեսավ, որ ղոջը հ'ընկավ մեկ մաքուր հետեեն։ Մաքին փա-խավ դեմ առավ յառին, օշխարը իրան յառից ցած քցեց, ղոջը մնաց կեցած յառի բերնին։ Օշխարը ասում է ղոջին.

— Դեհ եկի՞ն ես, հետեես արի է՛։

— Զի՞ հմար եմ գալում, ես էլ խո Ավճի Ահմատը շեմ, որ մեկ կնկա համար մեռնիմ, քեզի շեմ առնիմ, տեհա էրթում եմ էն մե-կելին եմ առնում։

Ավճի Ահմատ մտածեց. «Օ՛, ես օշխրի չափ էլ խելք չունիմ, հող իմ գլխուս, որ ես իմ սըռը իմ կնկաս ասում եմ, որ մեռնիմ ու ահա-գին հարստութունից ղրկվիմ»։

Շուտով դառավ էկավ տուն, կնկան ասավ.— Կնիկ տեղս փո-րել հազրե՞լ ես, ջուր, սապոն հազր արե՞լ ես, դեհ, գնա՛ կացին էլ բեր իմ մոտ։

Կնիկ էրթում կացին էլ բերում դնում է մարդու մոտ։

Մարդն ասում է.— Կնիկ դու հ'ուզո՞ւմ ես իմ սըռս իմանաս,— հայտե մե կացին կնկա ճակտին։ Կնիկ հ'ընկավ գետին ու մեռավ։ Տեղը ղաթի փորած հազիր էր, տաք ջուրն ու սապոն դրած էր։ Կըն-կան լողացուց, պատանքը կարեց, գնաց դրացոց իմաց տվեց թե.— Վալլահ, շեք ասում, կնիկս սանջու էղավ մեռավ, արեք տանինք թաղենք։

Դրացիք թոփ էղան Ավճի Ահմատի կնկան վերուցին տարան

թաղեցին, էկան տուն, Ավճի Ահմատին մխիթարեցին, դառան գնացին իրանց տները:

էգ էրկրի թագավորը էնենց գեշ հիվնագցավ, որ էլ մի ասե: էլ աշխարք դոխտուր, հեքիմ չը մնաց, էլ գիտուն շմնաց թոփ էղան էկան: Հեշ մեկը թագավորի ցավ շիմացավ: Գիտուն մարդիկ մեկ բան գտան թագավորին դեղ: Ասում են.— Թագավորին, թե որ ուտեցնեն օծի թագավորի գլուխ, կը սաղնա: Էդ էլ վով կարա բերե, ալաջա ջան ունեցողը, ուրիշ օնչով չի կարա: էլ ուրիշ դեղ ու ճար չկա:

Ավճի Ահմատ ինչքան որ էրթում էր լողանալու, էնենց խալվաթ տեղ էր էրթում լողնալու, որ օնչով չիմանար ու չը տեսնէր: Մեկ օր էլ էրթում է էլի խալվաթ տեղ, որ լողնա: Մոնց է էղնում էդ տեղեր էրկու հատ հոտաղ է էղնում: Ավճի Ահմատ նես ու նեն է աշում, մարդ չի տեսնում, շորեր հանում մտնում է ջուր: Հոտաղներ քիչ մոտենում տեսնում են:

էն մեկը մեկեկին ասում է.— Տո՛, աո՛, աջե, աջե՛, էն մարդու ջանը ինչըխ ալաջա է:

Տղերքը էրթում իրանց հորերուն ասում են, թե.— Մենք հ'էսօր տեսանք Ավճի Ահմատի ջանը, տկլորցավ լողնալու, էնենց ալաջա էր, որ մարդ զարմանում էր:

Թագավորի հիվնդոթուն ամեն մարդ լսեր էր: Հ'իմացեր էին, որ օծի թագավորի գլուխ դեզ են ասել, էն էլ հ'ում ջան որ ալաջա էղնի՝ էն կարա բերե:

— էս լավ էղավ,— ասում են,— էրթանք թագավորին ասենք, մեզի բոլ օսկի կուտան:

էդ մարդիկ հ'ելնում էրթում են թագավորի մոտ ու ասում են.— Թագավոր ապրած կենա, ի՞նչ ես տալում մեզի, որ մենք մեկ ալաջա մարդու տեղ ասենք, որ էն մարդն էլ գիտենք, կարա էրթա ջահմարի գլուխ բերե:

— Ձեր կշռնոթով օսկի ձեզի կուտամ,— կըսե թագավոր:

— Թագավոր ապրած կենա, Ավճի Ահմատի ջանը ալաջա է, մենք տեսած ենք:

էն ռոպիին թագավոր մարդ է ճամբում Ավճի Ահմատի հ'ետեն: Ավճի Ահմատը գալում է, ամա ճամբին մտածում է. «էս լավ բան չէ, որ էս հիվանդ թագավոր ընձի կանչում է»: էսենց մտածելով գալում թագավորի մոտ, բարևում կանգնում է:

Թագավոր կըսե.— Հանեք էս մարդու շորերը:

Թագավորի ամրն է, էլ ճար չի էղնում, զոռով հանում, աջում ձն, որ ղորդ էգ մարդու ջան ալաջա է:

Թագավորն ասում է.— Կէրթաս օձի թագավորի գլուխը կ'բերես՝ դաթի լավ, քու կշռնոթով մեկ օսկի կուտամ, շե"ս էրթա՝ գլուխդ կը քաղարնեմ:

Ավճի Ահմատ տեսավ, որ էլ իլլաճ չկա, ասում է.— Թագավոր ապրած կենա, ընձի մի քանի օր վատա տուր էրթամ բերեմ:

Թագավորը օր է տալում: Թողնում, նիաթ-միաթ կախած գալում է տուն: Հ'իմանում է, որ իր ջանի ալաշա էդնելը էրկու հոտաղ ձեն տեսած:

Ավճի Ահմատ հ'ելնում էրթում է օձի թագավորի մոտ: Թագավորը տեսավ, որ Ավճու նաշիաթը նաշիաթ չէ, ինքն էլ հ'իմաստուն էր, հասկցավ, թե չի հմար էր էկած: Վերցնում ասում է Ավճի Ահմատին օձի թագավորը.— Ծա քեզի շասի, թե հում կաթնակերին բաղդ ու էհդիբար չկա, դու օրմ իմ գլուխ դուա կ'տաս: Ա՛խ, դու քու ջանդ հ'ո՛ւմ ցույց տվիր:

Ավճի Ահմատը հ'ընկնում է թագավորի հ'ոտներն ու ասում է.— Հ'եռսուն տարի է, որ իմ ջան մարդու շանց շեմ տվել: Օրմ գնացի լողնալու, շիտեմ մոնց է էդնում ըդտե էրկու հոտաղ են էդնում, ես շեմ տեսնում, էդ հոտաղներ բիրդան իմ ջանս տեսնում են, էրթում իրանց հորերին ասում են:

— Թե որ էդենց է, էլ ֆայտա շունի, բարի՛, կռե իմ գլուխս տար, մինակ պոչիս կողմեն էրկու թիզ դանլի կռե քցե, շունքի իմ աղուն պոչիս մեջն է: Գլուխս կը տանիս դնես դազանը, լավ կէփես, էնենց որ յոթնեն մեկ մնա: Հ'ետե կլցնես, գլխից մի ստական դու կը խմես, մեկել նոր կը տաս թագավորին: Աշե, ինչըի որ թամբիհ եմ անում, էնենց էլ կոնես:

Ավճի Ահմատ առնում օձի թագավորի գլուխը բերում է, դնում դազան, թամբիհ արածի պես էփում է, գլխից մե ստական ինքն է խմում, մեկելը նոր տալում է թագավորին:

Ավճի Ահմատ որ խմում է թե չէ, դառնում է տասնուհինգ տարեկան մի ջահել: Թագավորն էլ էդնում է քսան տարեկան: Կեսն էլ տվեց թագավորի կնկան, էն էլ դառավ քսան ու հինգ տարեկան:

Թագավոր ելավ նստավ իր թախտին, Ավճի Ահմատին էլ ըրեց իրան վաղիր ու ըսավ.— Ավճի Ահմատ, ըստից հ'ետե անունը իմ, թագավորութենը քուկդ էդնի:

Թագավորն իր վագիբների մեկի աղջիկն էլ հ'ուզեց Ավճի Ահմատին: Յոթն օր, յոթը գիշեր հարսնիք արավ, էն հասավ իր մուրազին, դուք էլ ձեր մուրազին:

